

1473 præfectus , cum ingenti evocatorum manu affuit . Peloponnesiacus eques venienti illi objectus est , ac conferto prælio , utrinque cruento Marte pugnatum : demum Ajasbego cadente , fufis fugatifque cum cæde barbaris , ad centum quindecim cæſorum capita in caſtra ſunt delata : quæ cum Ajasbegi capite haſtis præfixa , atque proximo loco , ut ab oppidanis conſpici poſſent , admota . Fractus ſuorum caſu Charagus Triballus , qui cum valida militum manu intus erat , diſjecta ad hæc jam murorum parte non parva , ſalutem ſibi & oppidanis paciſcitur , ut quo vellent , incolumes abire liceret . Oppidum Veneto relictum diripitur , direptumque , ſubjecto igni , incendio eſt abſumptum . Hinc claſſis ad Fiſcum admota , quod contra Rhodiorum civitatem olim fuit , nunc veſtigia tantum viſuntur : circumjectus ager vicis habitatur : eum Peloponnesiacus eques in terram expoſitus cum ſociis navalibus prædatus eſt . Et jam ad Hellesponti anguſtias ſuperandas animum imperator adjecerat , edixeratque navium præfectis , ut ad eam expeditionem ſe accingerent : quum oratores a Carlota , Cyprii Regis ſore ( quæ multis ante annis a fratre regno pulſa , Rhodi exularat ) affuerunt : nunciant hi , Cyprium Regem , a quo Carlota ſoror hæreditario regno ( quia legitime nata eſſet ) per injuriam fuerat ſpoliata , vita per eos dies deceſſiſſe : orant proinde opem , rogantque , ut amici olim Regis filiam , & Allobrogum Ducis nurum , auxiliis juvare vellet , atque in paternum regnum reſtituere , unde per injuriam a fratre , verum concubinæ filio , ejecta eſſet . Ad ea Venetus imperator , veteri Jacobi Regis fœdere & amicitia cum Venetis memorata , omnia dicere , quæ jure præſtari poſſent , ſe publico nomine Carlotæ præſtiturum . Verum mirari ſe , eam ignorare , regnorum jura in armis , non lege conſiſtere : Nec regnum illi ſoli , ſed Genuenſibus quoque , qui ad id tempus non parvam inſulæ partem occupatam

*Eam Moe-  
nicus ad-  
verſus que-  
relas Car-  
lotæ Regis  
ſororis ceu  
filiam Ve-  
netam in  
regno con-  
firmat.*